

خرومگ



حنيف بلوچ

کرومگ

شاعر

حنیف بلوچ



علم و ادب پبلشر اینڈ بک سیلر

ہج گس یا ادارھے اے وانگیء ابید چہ جستء شنگ کت نہ کنت۔

کتاب	-----	نُرونگ
شاعر	-----	حنیف بلوچ
کمپوزنگ	-----	سفر بلوچ
طرت چاری	-----	یا سرجی۔ ایم
سرتاک	-----	جہانی عکس
اولی چاپ	-----	اگست ۲۰۱۹
دانگ	-----	۵۰۰
نہاد	-----	۳۰۰
شنگکار	-----	علم و ادب پبلشر، کراچی

علم و ادب پبلشر اینڈ بک سیلر
دکان نمبر ۳۱۱ تھرڈ فلور بک مال اردو بازار صدر کراچی
رابطہ نمبر 03312952483/03352620640

دلگوش: ہشتہ کارء خیال ء لیکھاں ادارہء تپاکی الٹی نہ انت۔

نامدات

نمیرانیں دلجہ گوس بہارء نامء



نُرومڱ اَنت تئِ کرک پلِیں هیال رکانی
گل گل اَنت شیرگیں ارسانی کمندیں ذروہاپ

آس پیش اَنت گُشئِ ارواہ ءِ اَجَلجاہ منی
انچو آس مندگ ءِ آس دیمگ اَنت زندءِ آرتاپ

نچین

10	حنیف بلوچ	☆	منظور بکل
12	حنیف بلوچ ء شعری ازم - واہگ نیاد	☆	
16	دودانک	☆	مجید عاجز
19	چونیں دردے جک جنت	☆	
20	زندگی ء چاہویں پاساں	☆	
21	ماں اڑینت ڈنگراں	☆	
22	نرومگ انت تئی کرک	☆	
24	گوانک جنت گلزمین	☆	
25	ہائیکو	☆	
26	ترائیلے	☆	
27	منی بچ	☆	
29	سانائیں گمان	☆	
31	درد پوشتیں زبان	☆	

نُرونگ	6	حنیف بلوچ
☆	من زندگاں داں وتء	33
☆	تئی وپا کہ منی	35
☆	شکل ء شہدیں زرء جنگ	36
☆	مئے پادمان اڑا نت	37
☆	تہنائیں گماں	38
☆	زانوگر	40
☆	زانگ ء بے زانتی ء	41
☆	پیتا پیں گلگ	42
☆	جُلگمیٹنگ جَل مہ جلیں	43
☆	ھیال ء ڈس	44
☆	اھد ء کوراساں	45
☆	او منی مہروان	46
☆	لہز انک ء منی مہدی	48
☆	دلے ہست بس ترا جیریت	49
☆	گُئی یے مہرگاں گوم پیڑا تگ	51
☆	من چوکبگ ء انتزار ء آں	53

- | | | |
|----|------------------------------|---|
| 54 | منی ارواہ ء ارواہ ء بہ نازین | ☆ |
| 55 | شیکر مہوشکر لہز | ☆ |
| 56 | مڑاہ | ☆ |
| 57 | تووتی داب ء | ☆ |
| 58 | اندوہیں اہد | ☆ |
| 60 | پیادگ کشک | ☆ |
| 62 | گلہیں حسد | ☆ |
| 63 | کرنانی ودار | ☆ |
| 65 | کلوہ | ☆ |
| 67 | گوں کپوتاں گون کنت | ☆ |
| 68 | تئی مہر ء بز ہنگی | ☆ |
| 69 | زندگی ء ہر تک ء پھنات | ☆ |
| 70 | کاسدے دروگ بندیں | ☆ |
| 71 | شہرگ ء وپائیں اوست | ☆ |
| 73 | ایحکاں من | ☆ |
| 75 | پد جناں وھد ء چہ | ☆ |

حنیف بلوچ	8	گرومگ
76	کوه چہ ہساراں پرس اُنت	☆
78	گلگ	☆
80	چینچوارزان انت منی	☆
81	تئی ودارانی نو بے چو نیں	☆
83	پل کلاہ ء پہ مُلاہ ء	☆
85	دُردانگ	☆
86	مومنین مردانی دل	☆
88	بے اُرسیں ناہد اے پَس	☆
89	بے تاہیری	☆
90	نگاہاں دژمنیں	☆
91	آہگ ء اوستاں مہ گوندیں	☆
92	ایرہت	☆
94	انجیر ساوڑیں پل	☆
98	روچے ء روچکیں	☆
99	بالانی کپودر نکشیں	☆
101	گوانک	☆

102	بونک بستگ میتگ ء	☆
103	بانکوه ء گم	☆
105	چونیں ارزشتے ز مانگ	☆
106	نودپلیں گواڑگاں	☆
109	چکانیں ز ہیر	☆
111	کسے ء دامن ء	☆
112	سنشیں گمان	☆
114	چاھی کپوت	☆
116	واترگ	☆
118	سلبہیں دستونک	☆
120	گلہیں وحد	☆

حنیف بلوچ

آس شانیں وھدء چم دیتیں شاھدء گواہ وھدے کہ ازمء نیمگء
 کائنات آھانی کلمء تا سیر وڑے نہ وڑےء وانوکء گوشداروکء مان
 گردین ایت۔ ھمے رنگء اے کاروانء بازیں مساپرے وتی چم دیداں
 ،سرگوستاں ،سکیء وھتیاں وھدے کہ درشان کنت تہ اے کہریں زمانگء
 بازیں شترے پاشک بیت ،بازیں دیم سیاہیء پد نہ بودی یے راجد پترء
 تاکانی بہر بیت۔

حنیف بلوچ ھمے کاروانء بے منزلیں مساپرے کہ وتء وتی زمانگء
 نویسان عہد پچان انت۔

ہون زمینء چو شبندانی رچنت
 کچنگیں جون نوک نہالیں گوگنگ بنت

حنیف بلوچء شعری سپر نوکی پناہ بوتگ ،تدیگا حنیف بلوچ شعراء ازمی
 پیچیدگیء بارگیں اوتاگانی رتچء پرتچء بلد نہ انت ،بلے حنیفء زبانء
 بیان ،مارشتی برازنء گرمائش ہنچو چہرء بڑاک انت کہ حنیف وتء درآورت
 کنت۔

دوز ہیں یاتانی
 گراما زیں زہیراں

پشت گجیاں تاں کدیں

درد پیوستیں زبانء

بزہنگی پہمگ نہ بیت

حنیف ہستیں وھدء بلوچ زندء آدینکء ھچو پلگار ان ءپشد اران انت کہ
وانوک یا گوشداروک پہ ارزانی ء اندازہ جت کنت کہ اے دہل الم یک
روچے گب ء گمرہ کنت۔

راجی بے وی، آشوب، واری، تنگی، دُ کال، وت ماں وتی جنگ ء
جنگ، گست ء کینگ، راجی نزوری، سیاسی کس مہ پرسی۔۔۔۔۔ اے کل
حنیف بلوچ ء شعری سرھال انت۔

کینگے رُستگ آبیریں کشک زمزیلاں گڑیت
ھشک بنت گمبانی ارواہ کہریں آپند ء دل ءے

حنیف بلوچ اگاں ھمے رنگ ء وتی جھدانی سپرء برجاہ بہ دار ایت تہ من
گوں دجھی ء گشت کن آں کہ یک روچے حنیف بلوچ لہز انک ء شعری بہرء
تھاوتی بانجیگ ء گون گنج ایت ء بلوچی لہز انک ء تھا پہ وت یک نامے پشت
گنج ایت۔

منظور بکل

مسکت عمان

حنیف بلوچ ء شعری ازم

بلوچی لہزا نک ء تہا شعر ء ازم ء چہ اید گہ لہزا نک تہراں گیش سپر کتگ
 ء روج پہ روج دیروی کنان انت۔ نوکیں چہر ء مشین، تشبیہ ء استعار ہاں
 گوں جمالیات ء زیبائی ء پوشاک کنان انت، یک دہمیں از می پہناتے ء
 ہنکین کتگ۔

چوشکہ مرو چکیں ہون ہوشا میں اہد ء کہ بلوچ ء زندمان مرگ ء
 زند ء سمسراں چہ سپر کنان انت، ستلگیں لوگانی کتہ، ژانگولیں جونانی ہون
 باسی ء آہ ء پریات چہ ہمک در ء دیولاں سرکش انت۔ رگوزی نگاہاں ہاک
 پہازی ء مسکیں سوگاتے داد کنان انت۔ تہ رُژن ہونکیں سہار ء اُمیت بلوچ
 لہزا نک ء دید بز مشین ساہگ ء گوں ہور جنزان انت ء مارشتانی لہڑ ء سر
 رچان انت۔

حنیف بلوچ ہمے مارشتانی سنگری کلکارے کہ ہمے دردانی سپہ
 سالاری ء ہیال ء سنگرے پہ مہکمی داشتگ کہ ہون بہاریں، کشکانی تلکاریں
 اوستانی، برازانی گباراں چہ مسک آتاران انت۔

حنیف بلوچ آشوب ہامینی ء ایرہت ء رہن اوگاری ء تبد ء ساچاں
 چہ ایند گراں گیش کساس گت ء مارات کنت پر چہ کہ حنیف وت ہمے

مسافت ۽ مسافر انت، آبله آبله جنزان انت، بله چڪ نه جنت دڄي ۽
 گول ديما کنزان انت۔ ته بلوچ ۽ باندات ۽ ٻه گيشتر پگر مند انت، وتي
 شعري ازم ۽ ٻه وتي همبل ۽ همبراه، رهبر ۽ رهشونا راجي جنز ۽ سوبمندی ۽
 رپڪا وتي گالاني لهراني دروشم ۽ نشان دنت، که رهن ۽ ايريهت چتور موگ
 بيت۔ بام ۽ آسگ ۽ مراد باتي، راجي هم پتي ۽ بنكي لوٺ ٻه ٻه بنت؟
 مٺي سنگري دوستاني تهابازي پشيس نامي ديما اتلگ که آبود ۽ بودشتي کمال ۽
 گول هور وتي سنج ۽ سمائي گوهرال لهراني دروشم ۽ ٻه راج پهازي، وتن موکي،
 تپا کي هممستي ۽ ٻه گلبي باندات ۽ وش هالي ۽ دامن ۽ شاهگان کنگ ۽ ٻه پهر
 شات کنگ ۽ انت که بلوچ ۽ هوناني سوگات ٻه لس مهلوک، دهکان ۽
 پور يا گر، بزگر ۽ گد ان نشينا ٻه آسودي ۽ آسراتي يه بيار انت۔

چونائي ۽ ميان استماني تک ۽ شعري ۽ ازمي لوٺ جي انت؟ اينکس
 من آشنا ۽ سر پدنه آں بله همينچو ماراں که لهرانک گول زند ۽ بند و کيس سيا هگه
 گروا همر و چيکي زند ۽ چست ۽ ايرالم هما چا گرد، هما دمگ ۽ هما ڏيه ۽ لهرانک
 ۽ سراتي اثر انگيزي ۽ الم نکلش کن انت۔

مني کد ۽ بستار انچونه انت که من ٻه شعري ازم ۽ برزادي ۽ جهلادي ۽
 کشلکي رست گت به کن آں، بله چوشکه حنيف بلوچ ۽ من ۽ لاچار کنگ
 ات که توالم چار دانک اير به کن۔ ٻه حنيف بلوچ ۽ شعري ازم ۽ گروا مني دپ
 ٻه بوت بله من لهر ۽ مکن شمشگ ات، آئي ۽ وتي مهر داني ات که من ۽

نابودء یک شرپے بکش اتے من وتی نابودی یک کرگنگ مجیرگ ء آں،
لوٹ آں کہ حنیف بلوچ ء شعری ازم ء گوں بہ ننداں، آئی ء لہزانی ساہگ ء
کرارے بہ پوللاں داں وت ء وشنود بکن آں۔

زبان ء راستی ء الہانیں زہر پڑینگ
سُرین ءے پرچہ منی زامرانیں دلبد ء
کہ آس گواریں نگاہانی شپ جنازہ بنت
بولان کہ بلوچ راج دپتر ء چیدگ زانگ بیت بلے زامران گوں
بُرزیں مات کوہاں بلوچ ء بیہار ء چیدگ انت بلوچ اگاں بلوچ بہ بیت آئی
ء سرگوزکنگ چہ زامران ء ماتکوہاں گزان تربیت بلے ہیپ کہ منی زامران
تنگ انت، پہ چے تنگ انت حنیف ہمے جُست ء پولگ لوٹ ایت۔
دیمتر ایک دستونکے لہتیں بند انت کہ حنیف ء شعری ازم ء یکتائی
ء بچک اش من بہ گشاں تہ رد نہ باں کہ جتائیں قافیہ آں گوں پر معنائیں
شعری لوٹانی یک بے دروریں دروراں چہ یکے۔

مان اڑینت ڈنگراں شنگریں دازاں گیرات
تئی وپاداری ء چکانیں زہیراں پیڑات
انچو شپانک نہ سکیت شپانکیں بالاد
زندگی شاپت زند ء ہاکوتاں تمردی لیرات

شپ وتی کھراں بہ گواریت بہ گشتیت نمہی
 چون تو جند وتی پہ منی جندء جیڑات
 کرن گواز یتگیں دزگٹ ستاھاں شہمات
 دلوتیں راج مدام گوں وتی جندء میڑات

چرے شعری دروراں چہ یک گئے پدر بیت کہ حنیف بلوچ ء یک
 ہبرے کنگی بہ بیت آوتی گپ ء تچک ء ایر کنت نیم بندگی نہ کنت کہ وانوک
 گڑ ء منج ء بہ کپ ایت، آگئے و کنگ لوٹیت، بلے پدرائی نہ کنت کہ گپ چہ
 انت بلکیں تچک ء تچک وتی گپ ء را ایر کنت۔

من ہمد اچہ وتی نبشتا نک ء گہ نر گراں کہ حنیف بلوچ ء دگہ بازیں
 سوھوئیں ء زانکار یں شاعر ء کو اسان ء پہ پیشگال ء نیسگ ء توار پر یتنگ
 شر تر گشت کن انت ء بازیں چیزاں ریشیت کت کن انت من وتی کڑے
 بڑے گرت انت بلے دلجماں کہ حنیف بلوچ ء شعری سپر برجم بیت تہ وت
 ء نامین ایت۔

سو بین بات۔

واہگ نیاد

8 اکتوبر 2018

بلوچستان

دودانک

پہ من چہ شعر ء نبشتہ کنگ ء گیش کسے ء شاعری ء باروانبشتہ کنگ
 گران تر یں کارے۔ چہ ء کہ کسے ء شاعری ء باروا تو وھدے کہ ثران کن
 ءے گڑا تو آئی ء ذراھیں تک ء پہناتانی سرادجھیں باوستے کت بہ کن ءے ءما
 چرے زانت ء زبہرا یں۔ ہمیشکہ شعر ء وتی رنگ ء چاریں ء دودانک نہیں
 ایں۔ کہ ہجھ حساب ء لہز انکی ثران گشگ نہ بنت ء آلوتاں پورا کت نہ
 کن انت کہ لہز انک ء یا کہ وانوکانی گف ء گشادکت بکن انت۔

بلے وھد ء یا کہ سنکٹاں زور مان کہ مئے وڑیں نابزانتاں میار پڑیں
 انت۔ اے آھانی وتی مہر انت کہ مئے وڑیں بے ارزشتاں ارزشت د
 ینت۔ بلے اے کار پٹمن چو بہل ء صلاط ء چکاس ء انت۔

منی اے بے سریں پتاریانی مراد حنیف بلوچ ء شاعری ء سرادو
 دانک نبشتہ کنگ انت ء کسے ء شاعری ء چارگ ء پٹاسگ ء آئی ء سراگپ ء
 ثران کنگ ارزانیں کارے نہ انت ء یہ مئے وڑیں شعر گاجیلیں مردے ء و
 کنتر۔

حنیف ء شاعری ءے سچ ء بودشت چہ آئی ء شعراں وت پد ر ء
 پیداو ر انت۔ منی اے چاریں بے سریں دانکانی مہتان نہ انت۔ حنیف
 اے پڑ ء انگت نوک انت بلے شاعری ء رپک ء رہنداں جوانی ء پوہ ء سر پد
 انت۔ وتی درداں، جیرگ ء پکر ء مارشتاں لہزانی زبان ء درانگا زگ ء سوھو

انت۔

اے کتاب آئی ءِ اولی گامگج انت کہ آئی ءِ شاعری ءِ ماڑی ءِ بُپد

انت۔

اے جہد ءِ آتاں چے ہد ءِ سوین انت اے بابت ءِ آئی ءِ
شاعری وت گپ جنت۔

سر پہ شیدائی ءِ مرچاں آمرزیاں
ہون سبزیتک مے ڈاک ءِ ڈن سنکناں

یا

روچے ءِ روچگیں زبان بوتکیں
تلوسگ مہرے ءِ گناہ سوتکیں

ملکوت ریدگیں شگنائی
رہسری دازے بُن ءِ سوتکیں

چہ اے دروراں ابید ہم بازیں شعر ہست انت کہ بے مٹ ءِ درور
انت۔ بے کیشیں وھد زوالی ءِ تاک زوالی نہ کنناں۔ چیا کہ اے شعراں
وانوک وت اے کتاب ءِ تاکد میاں وان انت ءِ چہ من گہتر اشاں چارات

۽ ٻڌاس اٿ ڪن اٿت۔

بانءِ انت من ڪيشتربشته به ڪٿي ۽ حنيف ۽ شاعري ۽ سراج ڪمڀي
چمڙا ڪنڪه بدائين۔ بے من ۽ وٽي ناڀو هي ۽ نازانتي ۽ هيال ڪور انت۔
پميشڪه بس هم ڪشاں ڪه حنيف ۽ شاعري ۽ بانءِ انت روشنائت۔
اڳاں دم مه بارت ۽ وٽي جهءِ برجاه بدار ايت۔ ديمتر ۽ چءِ شرتريں داب ۽
ڏروشم ۽ ديم ۽ اٿڪ ڪرت ڪنت۔
گوں هم ڊانڪاں وٽي نبشتا ڪ ۽ ڪونز ڪران ۽ گوں حنيف ۽ اے
شعر ۽ ڪٿه ۽ ڪوتاه ڪناں۔

آس پيش انت ڪشئي ارواه ۽ اجلجاه مني
انچو آس مندگ ۽ آس ديمگ انت زند ۽ آرتاپ

معيد عاجز

مشڪت

08. 03. 2019



چونیں دردے چک جنت واب ء پاسانی تھا
ترانگے سرتیج بیت درد ء تاسانی تھا

چون پہریزاں وت ء چہ سنکتانی ہیہاں
هرگیس هرگ زبان انت وهدء داسانی تھا

چتو کیشاں زندگی ساه ء با دنت بیرگ ء
مان اڑینگ مات ء تی جیگ ء لاسانی تھا

بے زبان تک تک زانت ء پشگرداں وتی
بنگران انت بے مڑاه دروگیس آسانی تھا

چونیں پگر ء چهرگے چونیں پجارے حنیف
کیشگ ء انت کیشگ دوست ء براسانی تھا



زندگیء چاریں پاساں آگہی ارجان کنت
اوست میلانگیں وپائے دردء بامء کید بیت

مہروانیں چنک آموچکء انارکاں ارجانیں
دیدگیں دل دز لکشتگ مہرء دامء کید بیت

ٹکےء آ دیم بکندے موتک کاریت ماہکان
منزلء دمبرتگیں مردم دو گامء کید بیت

نگرہیں امبازگانی تثنء چاتء گواز کنت
گرونگیں ارواہ مدامی گونء نامء کید بیت

اُپ تئی یاتانی لرت کدھے نوشاں حنیف
دیمرا زاناں زمانگ زدهء دامء کید بیت



ماں اڑینت ڈنگراں شنگریں دازاں گیر ات
تئی وپاداری ۽ پچکانیں زہیراں پیڑ ات

انچو شپاگ نہ سکیت شپانکیں بالاد
زندگی شاپت زند۽ ها کوتاں تمردی لیڑ ات

شپ وتی کہراں بہ گواریت بہ کشیت نمہی
چون تو جند وتی ہمہی جند۽ جیڑ ات

کرن گوازیں تکیں دزگٹ ستاھاں شہمات
دلوتیں راج مدام گوں وتی جند۽ میڑ ات

اُرتے بیتگاں پہ وت وتی پدربچاں حنیف
دوزہیں کرگین زمستانی لیواراں کیڑ ات



گرومگ انت تئ کرک پلئیں هیال رکانی
گل گل انت شیرگیں ارسانی کمندیں ذروہاپ

زند گور باسکیں ابد مہراں تابیں گوپتاک
گنجء کارون انت تئ ساہگء سارتیں الکاپ

درد گور بندیں دل ءے سوکلو دات انت پرتو
لبز گور موشیں زبان کول ء کرار انت آساپ

آزماں دز شہرین ایت شکوندیم انت زمین
ساٹ ایتک میرء وتی حاجتء نگلیں پُراپ

اوست گاجیل بیان انت لجوزیں اہدء
گوات گر انت گوہرء دستانی ہریریں گوناپ

آس پیش انت گشے ارواہء اجلجاہ منی

انجو آس مندگ ء آس دیمگ انت زندء آرتاپ

چونیں ایشکندیں هیالاں گوں پتار انت ارداس
استکان پرشگیں هڑانی سلاتاں اشتاپ

مکر اوکاریت منی راج ء انگیں اوسپان
نوش کنت کده ء زهراپاں شکنزیر آس لاپ

ایر مرتگ گش ء اوژناگریں ایرمادء صدپ
باچکاں باجگر انت بانزمء کهریں انسپ



گوانک جنت گلزمین ہر دمن سنکٹاں
جان کربان کٹاں پہ وتن سنکٹاں

ڈیھء نا پاکیں ہنزیراں جاگہ کنگ
بیا مئے ویران انت پلپیں چمن سنکٹاں

ھون رتچ انت پہ ڈیھء کہ مئے سرمچار
سارت بیت گلزمین ء بدن سنکٹاں

سر پہ شیدائیء مرچاں آمرزیاں
ھوناں سبزینگ مئے ڈاک ء ڈن سنکٹاں

نوں حنیف سداں ڈیھ مئے آجو بیت
نوں سراں پلپیں بستگ کپن سنکٹاں

هائیکو

نوکس گوربام ء دُزاهیاں ننڊاں
پلے شپ ساز کنت وت ء کدیت رنگاں
وشیاں نوبت ء تہء گنداں

ترایلے

زہیر ء بیکہاں رنگانی شہم دنت الماس
 ودار ء ساہگاں کرناںی توکلے نشتگ
 شپانی ششتگیں بالاد ء شنگ بنت ہمباس
 زہیر ء بیکہاں رنگانی شہم دنت الماس
 سمین ء سُپتگیں رکانی شمشگیں ارداس
 شہار وھد ء رواجانی مہری ء سستگ
 زہیر ء بیکہاں رنگانی شہم دنت الماس
 توپہ وت ء پہ نمیرانیں کسہ یے کشتگ

منی بچ

منی بچ وانگ روتیں
 پہ زانت ۽ زانگ روتیں
 وت ۽ شوہار کنت روچے
 زمین ۽ مہراں تجارت
 وت ۽ جیڑیت
 دل ۽ ماریت
 بلوچ ۽ رتلیں ہوناں
 سر ا زیریت
 نہ ولیں سرمچارے بیت
 ہک مات ۽ دل مانیت
 گہارانی دپ ۽ نازینک

ہمک دیوانِ ساڑاھاں
بلوچ ءِ شان بیت بچگ
دل ءِ واہشت سرجم بنت
پدا یحی یے زندگ بیت

سانائیں گمان

چوں کناں کہ درد کشیت زندگی
 وھد ءُ بے وھدیں رباباں ساز کنت
 کسے بنگج بیت اوست ءِ زِر ءِ
 چول ترینیت گباراں سانکلیں
 زنگ بندیت شپ چراگیں باتن ءِ
 کول ءُ اکراں زبان ءِ زہم کنت
 ترکولیت یاتے بہشتیں چیدگ ءِ
 دل ہزار داب ءِ وت ءِ پچیت ءُ شپ
 رنگ کاریت موسمانی گوہراں
 لڑتے مرگ ءِ ببا دات آکبت
 کھر تیر سمیں وداراں نوبت ءِ

تو کجام هلك ء درامد سمبه ء
 ما همك روچیں نگاہاں سرتگیں
 بام كنت پرتو دله هاك ء جساں
 لپگیں دمكاني پند ء بُر اِتگ
 زندگی زمیں زهیراں هُپ كنت
 روہیں شینکاں سراتے سمبه ایت
 گرہنگیں اهدی پوتینکاں سر بتگ
 کتر ہی اندیم ء اندامیں نگاہانی زد ء
 سوکلو داشتگ دل ء گیریں گماں
 آس شنزیں مدتاں بیرے کپیت
 چم تہیاتیں سرگ ء گگ دنت
 نوبت ء کہراں سرور ء مچلینت
 چتو گستا بوتگیں هر ساہت ء
 لبرلز ء گیگ ء گورگوات ء دیاں
 یا کپوتیں بانزلانی براہ بنت پرتو رس انت
 یا کہ چمن پد ترا بہتام بند انت دزگہار
 لیلوی لاڑی کہ شپ بام ء رس ات
 ماکجام سانائیں کلماٹ ء گمان ء آگہ ایں

درد پیوستیں زبانِ عزیز ہنگی

دوز ہیں یاتانی

گرانا زیں زہیراں

پشت گجیاں داں کدین

درد پیوستیں زبانِ ے

برہنگی پہمگ نہ بوت

شپ انا واریں دلانی

کسہاں گوں کئے بہ کنت

ترپے ے پسکیت

نادوکیں ہدا ے بندگی

آشنا میں واہگانی

داں کدیں ارجان پہ باں

نوں کہ سالونکی هیالے
سمبہینگ ماں دلء
کھر گواریں زندگیء
شات ء شاتکامی بہ بیت



اے ملکوت منی
 گس دپیء وت ء شہم دنت ء واتریت
 اے نکس ء چونیں کزایے
 وتی دل ء داشتگ
 نبا نہ انت کہ من ء
 روچے ء بہ بارت گوں وت
 ہیال ء زگریں انان ء
 دمانے گوں وت کن
 من چہ وت ء ء ' وتی
 جاوریں دل ء سگاں
 بکند ءے گیش مہ باں
 باج بارت دلی دوستی
 پدا گڑا رند ء دل ء میار من ء
 اے شپ پدا داں سباہ ء

چہ تو ودار نہ کنت
 اے روچ روہیں شینکانی
 رنگاں بر کشتیت
 اے ماہ ء ' سال
 وت ء کرنے ء نہ شوہاز انت
 اے کشک ء ' در
 پدا پر تو درامدیں پند انت
 من زندگاں داں وت ء
 گوں من ء تڑہیں ہائل



تئی وپا کہ منی بے وپائیء نہ کنت پدر
کجام اوستء بگوش زندگی بہ بیت آسر

منء مہ کش کہ منی چیدگیں دلء ارمان
ترا گوں بستگ ء بندوک چہ کرنےء پیر

زاناں چو چئیء ارزانیء منء بکش ء
زاناں چہ منی واہشت ء چہ تئی پشدر

ما سٹک بستیں گلء مہرانی رُنگراہاں
بکندے کشک مرادانی چو نہ بوت ڈنگر

کجام تئون انت منی کبرء شگ بیت بیلاں
نہ پروشت ما کہ وتی مہرء مہر میں سگر

ہزار بیون حنیفء کہ بیونی انت آج وت
بُشیت وت وتی ارواہء جوڑ بیت انگر

شکل ء شہدیں زِ رءِ جنگ پاہوا چُکاں دل ءے
چَہڑاں تیر وارتنکیناں ایمنی تُرکاں دل ءے

گریشگاں نوکاپ بُتگ دیدگاں ارے بجیت
سگر اُنت گورمانی ہوشام جہلگاں بُکاں دل ءے

اُشتری کوہیں حسدے ہرکسء رودیتگ اُت
کئے گوں اوپاراں تمر دی چچ بہ کنت گُکاں دل ءے

مذہبء ترندآپ وارینت مکتباں بے مہری ءے
رہم کنت سنگیں ہدائے سجدگاں جُکاں دل ءے

چونہا لہڑ ماں کپاتاں کرم بنت ہر روج حنیف
سر وتیں گورتچء اُمرکاں درا ٹُکاں دل ءے



مے پاد مان اڑ انت تہ کد انت زہیر پند
سر انت کشک ستاھانی سارت بنت دلبد

من ہر وڑ وئی پارسائی ۽ پد ۽ داراں
ہدا اے ہنسکیں وھد ۽ سراں بکن ایوند

اے شپ تاں نیلگیں بام ۽ وٲ ۽ سرات نہ کنت
تچ انت ارزنیں پاسانی کبریں پد رند

اے کچچ ۽ تبد ۽ تئی سنگھانی زپتیں زہیر
شد انت کلپریں اوستانی تراولیں اشکند

شپیت چہ دیگریں رکاں وپائے مروارد
کد انت شمشکیں لبرانی گرومگیں گلکند

کدی من پاگ نہ بنداں پہ نیم سویں زندۂ
سرے پہ سانگ ۽ تاں امرے ۽ نہ بیت شبد

تہنائیں گمان

نہ گنداں ایوکی ءِ ساہگاں من
 بہ بیت ساہے ترا پہ وت بہ ساٹاں
 دل ءِ گورتچ ءِ پیتا پیں لوا راں
 وت ءِ نزگرت اتک دنیا ایجک انت
 شپا دس رُنگراہاں کُنڈگانی
 دے بالاد ءِ گنسارتاں نہ کشیت
 گنوکی مارگاں مارشت براہیت
 جنوزامیں دلاں چیمہال گواپینت
 ساریت چورہیں ہا کاں جبین ءِ
 شپاں آگاہیں باماں سبہ نمین ایت
 چہاگیں بالواں تہلیں شگانے

کماۓت منگلک گوناپ تلاهاں
 بدن سپارہیں لبرانی گواپاں
 ترا سنگیں دل ۽ ہوناں نبشتگ
 ہزار نازیں ہزاری دروشانی
 گیابانے درا کن مہرانی
 من ۽ بیلگ تلمبیں چادر ۽ بند
 تئی ہکارگیں وابانی کیپاں
 نہ شنگیت ماہکان مہتاپیں گل ۽
 ودار آسر نہ بنت نیستیں نیب ۽
 گداراں واہکیں ایرموش کنت
 سارتیں سباہ ۽
 وت ۽ پرتو نزانت گیرتگیں شپ
 گمان تہنایاں پدر ہزینگ



زانوگر پہ گشتنء کہ گنگ بنت
کومء رہشون المیء ڈنگ بنت

سرجنانء سر جنگ کور کشکےء
آسراء گٹ ء گر یا تہاریں رنگ بنت

باج برتگ دژمنء ء باج بارت
برات گوں براتاں کہ وھدے جنگ بنت

ھون زمینء چو شبندانی رچنت
کچنگیں جون نوک نہالیں گونگ بنت

ھنی وھدء بوجیء اوژناگ کن انت
کنیت روچے پاد شپاد ء ز رنگ بنت



زانگ ء بے زانتی ءے ھال انت منی
گلزمین دُنگانی پاد مال انت منی

راج ء شیوار ء ترمردیں سرچار
چور ہیں چکانی دیوال انت منی

تو سرء سنگ ء بجن کھراں بہ گوار
آجونی ءے امبری سال انت منی

رتگیں پگر ء ھمک لہڑیں ھیال
گوھریں لہزانی دیگال انت منی

وھد ء چکاس ء ھمک پدر حنیف
دل پہ امیچے گل ء بال انت منی

پیتا پیس گلگ

لکرک ء زامریں وهد ء هدا ئیاں سرگوز
 بہ سند زمانگ ء دودانی سانکلاں مہریں
 نہنگ دروشمیں وابانی التاں سراپ کن
 تنابیں مہراں سرگوات ء ہکمتاں شہزار
 تہپیں دیدگاں آزمان ء واجہ ء جکسین
 بہ شہز کاگدیں رکانی برکتیں باماں
 صلاط ء سنت ء پرزانی نیتاں درکپ
 جہان ء چلہ ء یاتانی بانزلاں پیوند
 نہانہ انت کہ من ء چہوت ء کن ء بے ہال
 ہیالاں سننیں زہیرانی پلو ء گزہن دے
 من اہد بستگیں کرگین ء ساہگاں سارتیں
 دمانے بیا دل ء پیتا پیس گلہ ء نزار



جَلَمِينِگ جَل مَه جَلِيں سَاهَتَاں
دَرِيپَگَ اِنْتِ دَرگَتِ چَاڑِيں هَوَس

چِيلَگَ اِنْتِ چِيروکَلَن شَبِ وَتِ
آزْهَوَرِ اِنْتِ مَلکَتِ گِيژِيں زِيهِيَر

دِلہاپ دِيوَانگَ دَر دِکَشِيں سَاهَتَاں
هَسکَاں دَرِيشاپِ دُزْوَورِ اِتَگِ وَتِ

مُونَس نِيں سَکَرَاتِ چِيلَامِيں شَکَنَز
وَابِ وَازَارِگِ سَرُونِ وَانْزَه اِنْتِ

هَانَلِ سَلَوَاتِيں بَزْمِشَاں آگَه اِنْتِ
وَتَلَشِي وَتِ سَاچِي رَنگَ رَجِيَتِ

رَوچَکَرِيں کُولَانِي رَوْتِگِ پَنکِ جَنَتِ
سَاهکِيں رَوْتاپِ بِالَادِ بَه کَلَشِ

دَر نَه کِيَبِ دَرْهَبَاتِي اِتَگِ حَنِيفِ
اَهْدِ چِيپَاں مَوَرِيں کِيپَاں دَرْمَنگِ اِنْتِ

ھیالِ ءِ دُس

نراناں چو نیں چہرگے
 ہیاں ءِ شہرگ ءِ شگ
 پتاتگے چو زامر ءِ لیکرک ءِ دروشم ءِ
 دمانے ءِ چہ ترانگانی سیمسراں جتانہ بیت
 کئے انت؟
 کئی لکھیں دروشم انت
 گج انت کہ ہج درا نہ بیت
 زہیر ءِ ارساں پہڑی آں
 ہیا لے ءِ گمانے ءِ
 بہ دُس بس دمانے ءِ
 تئی شوہاز ءِ کشک ءِ در
 کجام نیمگ ءِ کپ انت



اهدءِ کوراساں کدیں رژنے بلیت
کوکرے پما کدیں بٹے شلیت

مہروانے مہر کنت گوں ما اَجَب
مئے دلءِ دردانی هُندالاں ڈلیت

ملکوت مارا پہ بے ساری مہ گُش
کیگدے بڑنگ بیت لُناں کسیت

هون گواراں وازمندیں دیدگاں
دردءِ جوهانءِ اگاں مہرے تلیت

ائے ہدا مئے دژمناں چکپروش بکن
مئے مرادءِ کچراں پرچا چرایت

هڻچوشیں ما اوں حنیف اشکءِ تی
سیوگے پہ ماتی الہانے زرایت



او منی مہروان
 سر ما ندریگ گنگ
 ہرچی دست ء کہ بوتگ نوائیں دل ء
 چک ء ' پد ہج نہ بوتگ وپا ہانی در
 سٹکیں شہر ء ' بازار نگاہاں تج انت
 باگ ء ' بوستانیں ارواہ ء گیریں زہیر
 رپتکیں سرچھڑانی گیراں بن انت
 پاد بزمشاں ہزارانی گوشاں کپ انت
 جاہ سڑاں انار پلین واباں مدام
 کرن گوستاں اے نوبت روان انت روان
 کشت ء ' کوشانی انگت کہ بے ء ' شر انت
 چے بہ کنت زندگی ء نوائیں شکنز
 او منی مہروان
 تو وتی گلہانی سرا جڑک بہ جن

واب ءُ آگاہیں بام ءِ وداراں مئے باہینگیں
 روج ، رو زرد ، سرشپانی ودار
 سیر لاپیں دل ءِ نوبتاں بام داتگ میا
 تنگاں گونگاں ارس ءُ ہیدیں زہیر
 گار ءُ گاراتاں جند ءِ تہا شچریں
 نوں پہ آؤکیں روچاں گناہانی مہرگ گورائیل بنت
 روج ءُ ہمپانی زور ءِ کرارانی شب
 ایوک انت درد ءُ دورانی کہریں ازاب ءِ شدیت
 او منی مہروان
 بلے تئی ودارانی سراسائی ءِ انگت ءِ
 روج پیتا پیں رنگانی سازاں رجیت
 کسہاں نوک اگر تچیں لبزاں گوپیت
 بیا ندارہ منی ایوکی ءِ گدار ءِ بہ کن



لِزَانِکَ ءِ مَنِ مَہْدِیْ ءِ پِیْکَمِرِ ظَہُورِ اِنْتِ
شِیْرَانِیْ مَنِ چَہِرِ ءِ شُبَہِیْنِ اِنْتِ عَطَاشَادِ

بَابَا ءِ مَنِیرِ اِنْتِ مَنِ شَہْرَگِ ءِ سَاڑِیْ
مَنْظُورِ اِنْتِ مَنِ مُہْرَگِیْسِ لِزَانِیْ پَہَازُوکِ

آگَاہِ اِنْتِ مَنِ پَکَرِ ءِ سَتَاہَاں آ مَجِیدِ اِنْتِ
اِرْمَانِ گُڑَا وِرْدِ اِنْتِ مَنِ ہَاوِیْسِ زَبَانِ ءِ

اِرشَادِ اِنْتِ زُبَہِرِ اِنْتِ اِگَاں مِیْرِ عَمْرِیْمِرِ اِنْتِ
سَاہِرِ وَ مَنِ دِیْدِگِیْسِ دَلْبَنْدِ ءِ چَرَاگِ اِنْتِ

دَادِ اِنْتِ ءِ وِپَا اِنْتِ مَنِ ءِ گُوں وَتِ ءِ پُولِ اِنْتِ
قَاسِمِ گُوں پَرَازِ ءِ مَنِ ءِ کِستَاوِیْ ءِ نَنِیْلِ اِیْتِ



کدی تو جیڑ اتہ باریں؟
 ترا پد
 زندگی چون انت
 اے توئے کہ ہمک بوگاں جنئے چول
 ترا ما چینکدر پول ات
 تئی مہرانی گور بامء
 تئی بالاد شنزین نود
 ہزاراں چہرگانی چیاں درچت
 وپائے مہر میں آدینک
 مزینت تئی گندگء دیدئے
 دُنیں آتار کہ شکتیت تئی ماں میتگء دمکاں
 تئی لوٹوک وتی جندء چہ بیگواہ بنت
 دُڑھائیں خیم
 ترا جیڑ انت
 تئی لُٹانی بندیک انت

ترا
 پد
 ہمک موسم چش ایت تئی شهرگیں بالاد تمامء
 کدی تو جیڑ ایتہ باریں
 ترا
 پد
 اے رنگانی جہانء بس
 مناں کہ ساه کشاں ء ' ترا جیڑاں
 اے ہمپانیں شپانی ایوکی تڑے
 اے گوربامیں دلء بندء
 ما چنچو جیگ تل داتگ
 اے تہنائیں زہیرانی گیابانء
 ہمک رنگیں زہیراں تڑک جتہ پرتو
 کدی تو جیڑ ایتہ باریں؟
 ہمے دابانی بے ء ' شر
 پلّیت ہر وقیاں زندے
 دمانے بیا ندارہ کن
 کسے پرتو کدیکین کیں ودارگیں
 دلے ہست بس ترا جیڑیت

گئی یے مہرگاں گوم پیڑاتگ
گرومگیں لبزاں شکم پیڑاتگ

پوگسین رنگ پتار انت پگراں
آہکیں اہداں ہتم پیڑاتگ

شیر شہزانتیں ہیالاں گوپتگ
چہرگیں ساہتاں چم پیڑاتگ

سگ سکرانتیں بہ نوشت زہراں
دراہی ء نوبتاں دم پیڑاتگ

گریشگ ء غواش نہ سہزانت پما
ترانگ ء شتگاں شم پیڑاتگ

وہد ۽ الگردیں شناسا پرتو
سکلیں آذرہاں گم پیڑاتگ

کواپگاں مہر ۽ شپادیں رہسر
جُلگمیں کواواں رم پیڑاتگ



من چو کبگء انتزارء آں انگراں مانپوش اِتگ
چاردہی ماہء وتء ماں جہمراں مانپوش اِتگ

مے کلاشیں دیدگانی چون زدء تو کپتگ ے
چوں ترا دودانی مہریں سگراں مانپوش اِتگ

نوں کجا پہ دلجی من داب گیجاں دیدگاں
سر شپ ء سہبء سمین تی انتراں مانپوش اِتگ

ہنچو بے تاہیر ء دلرنج انت منی ہائل حنیف
کپتگیں پلے زمینء ڈنگراں مانپوش اِتگ



شت آں باریں کدیں واتر گے بیت
 دل ۽ اوپار ۽ پادینکاں شلیکیں
 ودار ۽ شیشکیں شپ ماہکان انت
 اگاں وهد ۽ وپا ۽ نود شنزینت
 نباں مہتل دمان ۽ 'ساہتانی
 اگاں کہریں ہدائی بے مہار بوت
 نہ منتاں کول ۽ 'اکراراں گدارے
 ودارکن ماہ ۽ 'سالاں بے تماہیں
 جہان ۽ تون ۽ 'نگوراں بہ چڑاہ
 وپا ۽ مہرگیں توک ۽ 'گوراکن
 زہیراں دوست ۽ 'پندول ۽ بہ سنگار
 دمانے گوانک کاڑاں میتگ یگاں
 ہوار کاڑانی نازینکے بہ پلگار
 منی ارواہ ۽ ارواہ ۽ بہ نازین



شکر مہ بو شکر لہز شیکاں دلے متگ
لہزانی کالبء پہ کامپول چونز اتگ

شہیریں دیدگانی شہکاریء نہ انت
شپک تبیں ہیالاں اشکر نہیں اتگ

اوهنگیں ترانگاں تئی شیرجت گنگ دلے
چکانیں واہگانی اومانے ء شنگ

اے جہد میں زمانگء گارات بیت ہمک
ما اوں وتی کپڑکیں پلانء سرچنگ

آکر زمان انت گندے شپتالے واب گندیت
شیشارگیں زہیراں آج ما وتء زنگ

مڑاہ

سُٹ بلکیں منی
 آزمانء بہ بیت
 شانے دیوانء دلبدء ٹپاں وتی
 نازیں بچکندگانی ہدا شاہد انت
 دژمنء دیمء
 دست اوں گدائی نہ کت
 بزگی ء
 شگانی دیمء شتاں
 سگراں نشتگاں
 لج ء دیمپانیء
 زندگی ء نبشتانکاں تا کے بہ بیت
 تی لگوری منی گروی آیات بیت



زندگىءِ اوست بَست اَت تئى درا
 توچہ اوستاں سرگوزانءِ سرشتِ ئے
 مئے ایتانی کلاتے بیتگ اَت هاكاں هوار
 هاك ءِ ' پر
 بے كماریءِ زد ءِ شہمات اِتاں
 تو وتی دابءِ وتی رنگءِ شتِ ئے
 پُش نہ گُت ما
 چومنءِ تو دل نہ بوت ئے بیرگءِ
 پاد شپاد ءِ ' درتگیں جیگءِ
 گوں لیگاریں گداں
 میتگ ءِ پُکانی لیبوکی بہ باں
 بس همینچک بیتگ اَت
 زندگءِ درگور بیتاں تئى درا

اندوھیں اھد

شپ وءِ ٹھائیت گوں من
 منی آتراپ ءِ ھمک کس چمن گستاہ انت
 دمانے چہ وءِ گستاہ بوگ لوٹاں
 بکند ءِ انسراں گوں تو
 زہیراں لیکوے گوپتگ ستاہ ءِ
 وتی رھشونی ءِ کوش ءِ گوں نازینکے روانادے
 بکند ءِ گوں منی پگر ءِ بہ بیت آشناہ
 تئی شہزانتی ءِ مارشت
 پہ من مہرانی الکاپیں کلوه ءِ ٹیکے یے درچن
 من ءِ چہ بالوانی مچیاں ہجّار
 بہ نند مہکانیں مہرانی نوان ءِ کسے کاراں
 بہارگاہ ءِ گجام رنگانی پلاں
 بزیراں پہ ترا ہارے بہ ساچاں
 ایتکاں بے ترا رنگانی چہرگ

منی کارست ءِ بروداں
 تو چونیں پمن ءِ ساچشت تان ءِ
 نہ کنداں کندگانی بام ءِ داتگ
 شہ گوستاں وھد ءِ کرناں پیری یے زرتگ
 کشے اے زندگی نوں گرانیں اگبالے
 نہ شگل ءِ چہرے نہ ہیالے شہمیت
 کسے نہ گنداں کہ کمو بہ جیڑیت مارا
 آئی ءِ دیر انت کہ اچ من ءِ ستگ



پیادگ کشک جانء ماں اڑینگ
ھیالے دردء وانء ماں اڑینگ

بکندے پشت مہ کپتیں دہرء ملا
سواب ئے چنڑیں نانء ماں اڑینگ

ستاہ بے کیمتیں بُروان کمان ئے
شکر لہزیں زبانء ماں اڑینگ

مہ گند ء گندگ ء مُہرگ وپائے
دل ء گلمیہ گُمانء ماں اڑینگ

اداروکی نہ منت پرتو گدارے
وتء گوں وت جہانء ماں اڑینگ

زہیریں کوکواں شاکامی یے گوں
کپوت ء سُٹ دانء ماں اڑینگ

پدر دیں واہگاں دلمانگی ے
گل ے رکانی شان ے ماں اڑینگ

نہ پسکیت واجہ ے کوٹ ے کلاتاں
تماہے اُرز ے بان ے ماں اڑینگ

گلہیں حسد

گلہے چونیں حسدے تو بزاں
 ماترا چوکعبہ ءُ کوہ ءِ مراد ءِ چار ایتگ
 زانتکار ءُ شاہوکار باز انت دگہ
 جہدکار آشوب ءُ پنج
 تو چتور ایراد ءِ پاہو تنج ایتگ
 کفگیر ال من
 ذات ءُ پات ءِ چیکواں
 تنی شگان ءُ شاپگانی سیمسراں
 شہرگ ءِ سرپد نہ ات
 بس کتیں نوں گہتر ات
 ما ءُ تو یکجاہی ءُ
 زندگی ءِ پند پاداں بتگ ات
 گلزمین ءِ شات ءُ وشیں آجوائی
 میگ ءُ تنی راج ءِ نسیب ءِ بیتگ ات



کر نانی ودار تڻيگ انت
اهداني سگار تڻيگ انت

ناليت شائلي گيا باناں
کونجاني توار تڻيگ انت

بانگواهاں زهير نالان انت
کوگور ۽ انار تڻيگ انت

نيتکاں سرچار اے رندي
کوهاني هسار تڻيگ انت

يحي گون نه ات چے رندي
زامر تي تلار تڻيگ انت

بے تو سک ايتليں ني ناگ
پہ تو بے کرار تڻيگ انت

موچ گریوگ انت زار زارء
تلائی بهار تنیگ انت

نل بست ۽ هکیریں بلبل
ارسائی کتار تنیگ انت

ارسیگ انت حنیف پرسگ انت
بچکند ۽ شہار تنیگ انت

کلوہ

اے وھد چکاسے مہ جیڑ
 تاب وارت گیریں تنابانی وڑے
 زاناں تو چونیں نوبتانی راہی ے
 پنڊاں مہ بوج دیم ے بہ جنز
 زہراں بہ تنگ چکو مہو
 کولاں منی آسر بہ کن
 بلکیں نہ منتاں گروی ے
 سبزین پیتاپ ے منی
 تہد ے لواریں گیدی ے
 آجوی ے سوتاں بہ نال
 دوست ے من ے چہ ہرکس ے
 ارسانی لیکو گوہنگ انت
 پرتو سراو ہاک ے جس انت
 گیرانی یات ہرروچ کش انت

جُھدء جپاؤں کش اِتگ
 رو دینگء ساھوں شُتگ
 بامء نہ کرزیں آکبت
 باریں کدیں بزمِ شیت پہ من
 لبزانی ہائیگاں مہ تور
 کرزء ہزار نازیں پری
 نازینک پر بنداں ترا
 سالونک بے کائے کدیں
 کاڑانی سازیں ملگاں
 پرتو ہزار گربان بیت
 بیہال مہ کن ڈیھء وتی



گوں کیوتاں گون کنت اِھوال مرچاں
بیا کہ بے تو ساھتاں مئے سال مرچاں

دوری ئے تئی ترانگاں وھدے کپاں
چست بیت درویں دل ء چیمال مرچاں

درچک ء داراں حال پرس ات آھگ ء
شاعریں دل کرتگ ء ابدال مرچاں

روچ ء ماہ تئی دروشم ء درور نہ بنت
پمے نزء کھاں تائے لال مرچاں

آھگ ء اِھوال انت تئی مرچاں حنیف
دل مریدیں زردء ماراں بال مرچاں



تئی مہر ء بزہنگی ء ستاھاں کپن گورا
مئے دیدگانی بستک ء تہاری گورا کتگ

انگر پتاریں دمکاں زہیرانی متگ ء
اوتاگ شہرگیں دل ء ساری گورا کتگ

اوستانی گریٹگاں دل ء پیڑاپ بٹگاں
ھورکیں زہیر ء کاسگ ء واری گورا کتگ

شیواریں دیدگانی دڑانہیں دل ء پتو
گردو گباریں ملپداں گاری گورا کتگ

مئے آگہی ء ھورکیں زہیراں کجا برے
کنگ پتاریں نوبتے پاری گورا کتگ

پکرانی گئی یے دل ء لہزانی ساچ ایتگ
سوگاتے جیرگانی شاری گورا کتگ



زندگیءِ ڈاہ کتگ
 دردکشِ اُنت بند ءِ ' بوگ
 انچوک ءِ دیم ءِ نہ کنزیت
 جان ہائیگاں شتگ
 لپنچکاں اهدانی سارتیں ساہگ ءِ
 تئی ستاہ ءِ ' ستک ساہیل اُنت سرءِ
 گلہانی گلہیں آرزشتاں ساہے بکشِ اِتگ
 سرڈگار ءِ سُرگیں مہراو گورا مہازاں مدام
 زندگیءِ پند پاداں بتگ اُنت
 پد نہ کنزیاں
 زندگاں داں چوں ترا
 دیپان حوتانی کناں
 زندگیءِ ہر تک ءِ پہنات گوں تو بتگ اُنت



کاسدے دروگ بندیں دروگانی سرا
جرنگاں داگ بند ء بوگانی سرا

دژمن ء دروگیں تسلائے پدا
آس گواریت برات ء لوگانی سرا

مهر مُردار انت گُشئے تئی میگ ء
سُہبت ء ناچ انت سوگانی سرا

تئی لگوری برجم انت برجم نہ بیت
پہر بنگ کئے لگورانی سرا

آرت پلگارت وهدء گچین ء حنیف
کپت ازابے کرم ء کوگانی سرا



تو نہ جیڑ ات
 کہ من جی ء جیڑاں
 تہلیں گزدر بنت ہبر شہدیں
 رپک ء ' رہند ء کسواں کاراں
 نوکیں توجیل ء متہر شوہازاں
 تاں کدین ء بہ سگاں جی ء ' جان
 وھد پاگاسیں باج بارت زائنگ
 نوں پمیشکہ زبان ء زمیں ہبر
 چیر ترینگ انت وت ء کشک
 سوتنگ ء ' پڑکت انت دل ء واہشت
 تو جنوزامی گلہے زرتگ
 کینگ ء آس ء لہڑ بے ہرروج
 پمے بربادی ء ہنرساز ء
 چونیں سکراتیں نوبتے کار ء

ماوت ء باریں روچے پخت رند ء
 جہند میں آس ء باتن ء سوچیں
 برانزدیں مارگانی شہ زانت ء
 تاب ء ریسیں گمان ء پاکیں بہشت
 مہکم انت شہرگیں وپائے اوست



ابھکاں من
 وتی ہلوت گاہ ء پیتاپ ء
 مدام گوں وت گلگ داراں
 دل ء واہشت بُن گیت اُنت
 ء پُربوت اُنت زہیرانی وپائے اوست
 رچنت ارسانی لہمیں شنز
 بہار میچیں زہیرانی ہمک ترمپ
 وت ء کوردیمگیں عکسانی باپشت ء درا کنت
 من اش گت گوں وتی گوشاں
 من ہم ات آئی ء پادانی بزمش ات
 ہا ات پن ء ذرک ات
 تماہ اوں داشتگ ات انچوش
 گلگ باز اُنت
 بلے ایرندے بازیں گلہانی تورگاں بوجاں

دل ۽ آگاهيس ٻڌارگ گندگے کرز انت
گُشانے

نزان ۽ توائے تهنائیں گيا بان ۽ پخت کرن
هڪ رنگين لڊيگاني تها تهنامن گوازينگ
تماه اوں گرتگ ات انچوش
زهيراني دل ۽ اوپار سرا بار ات
پدا واترگ ۽ نئيلاں ودار ۽ شهرگيس پند ۽
که اتلگ نوبتاني دُراهي ۽ شهماں
منی ديم ۽ چو ميلانک انت
۽ چماني سوادِيکيں ٻڌارگ
وتي شوهازگ ۽ رنگاني بام ۽
بکند ۽ آ مني چماني ارساں
وتي نازرکيں دستاني سرا پوليت
بکند ۽ آئي ۽ انچوش تماه گُت
هما
ات

من دست جت

آدوتے بوت ۽ گوات ۽ دامن ۽ شنگ ات



پد جناں وھدء شہ گوتیں ترانگانی پُشدراء
پیشگاہ کشکاں اڑین ایت دہر دیدانکاں شُنگ

غُمدیں کرگین وپائے شہ مریداں سرچنگ
سنگتی بے سردرانی کینگ ء لانکاں شُنگ

پہر شہدادیں دلانی سینگاں مرگیگ کنت
کرگزیں مہناز اوست ء پہر ء پدیانکاں شُنگ

بے سر ء پادیں زمانگ پشت گچ ایت کتہاں
گُلمین ء مہر لب ء واہگ ء وانکاں شُنگ

گوک ء لاڑیں زہیراں ہائل ء اھداں حنیف
بد گمان انت زندگی چہ دُتکیں دانکاں شُنگ



کوه چه هساراں پرس اُنت
هوڻگ چه پلاراں پرس اُنت

داز ءُ ٺڪرو چه اڀيگيں کوراں
شاهڙ چه داراں پرس اُنت

شانتل گون ڪپوت ءُ ڪبگاں
بلبل چه تواراں پرس اُنت

هشڪ اُنت شينلڪ ءُ پوتار
بون چه بهاراں پرس اُنت

وڻ وڻ وڻ وڻ وڻ وڻ وڻ وڻ
هار چه ٻاراں پرس اُنت

سِرآپ انگت ءُ ٻي ٻي لمب
لنمو چه اٺاراں پرس اُنت

سورءِ نوبتے پرسک انت
کاڙ ڇه دزگهراں پرس انت

اُئيدءِ پرس چي ءِ يک پيم انت ۴
گندوک ڇه گداراں پرس انت

تو ڇو مئے وڙا دمبرنگ
پيادگ ڇه سواراں پرس انت

دانگه ڏيھ نه بيت آجو مئے
آرام ڇه ڪراراں پرس انت

گلگ

تو منءِ بہم ات نراناں
 من ترا بہمت نہ گت
 نوں چيءِ بونگی ءے
 تگ ءے نک ءے
 درر بکش ءے
 مرگ گوندے
 بس نہ انت
 نوں دگہ کئے انت تئی مہرانی آغوشءِ مریت
 آہ کشیت
 تر بیانی مہر گے
 ارس کیل انت دیدگاں

موھے بدے
 من وتارا وت تئی مہرانی دیمپانی کناں
 چوکن کہ درد بیت
 چہ وتی جندء سداں
 گیش بنت ویرانء ویرانیں ہیال
 من نہ ماناں
 کئے تئی مہرانی ایرگواتء زریت
 کئے وتی ساہء پہ بچکند ندر کنت
 بے میارگوں تو گلگ کم اگلی یے



چنچو ارزان انت منی مہرگیں لہزانی نہاد
ما چو آیاتاں ترا ونت ء کراتاں پھمینت

سنگ رویتنگ جبین کلپیں ہیالانی زہ ء
درد کرپاسیں ندگ پلپیں گماناں رمینت

گمبیس اوست ء شپادانی تلمبیں زیارت
ستک بے باور ء سانائیں سلاتاں ڈمینت

چاگلے ترمپ تڑھینت گریشگیں ہوشامے لداں
دیدگاں رہن دل ء آپتیں آپدان گمبیت

توچہ بے وابے شاکارتیں زمین ء جُجب ات
گپ گپ ء ما وتی برہنگیں الہان گومبیت

چونیں ارزانی میاریگ انت میار ء پاسپان
کودک ء پرزاں کراماتیں کرارے جمبیت

آہاں گُلگریں نہالانی نہال کشت ءِ شتاں
گُلزین آہاں مڑاھے وتی ہوناں رنگینت

زپتیں اوتاگاں زہیرانی چکن دوچاں حنیف
آشنا گوھریں جیگ ءِ وت ءِ پہ کئے شہمینت



روح بیگاہ بنت
ہمک روچیں
مرگ گوندینیت
ملکوت
ہر شپ
زندگی دردانی
جُستگیں دیگء
گلہڈان انت
زہیرء پیتاپء
تئی ودارانی نو بے چونیں



آس یا زندگیاں بزمِ
 ماں دلءِ ہر کسی نہایت درد
 نئے کہ ہر کس وتارا جَلِ بُشیت
 پہ کس اس ءِ سرگ نہ بنتِ مردم
 زندمان تورگے ریمیزاں انت
 کواپک انت مارگانی دور شاپاں
 بس ہمک جون زندگ انت ڈیل ءِ
 مارشت بنی آدم ءِ بہ کنت زندگ
 پہ ہدا ءِ نہ واہگ ءِ چے آ
 دل جبیں ءِ گبار اندیم انت
 بے زبانیں میار دروگ بند انت
 ہنو کہ چماں نبشتگیں ہر لہز
 کور دیم انت نہ بنت پہ گُوم وانگ
 نی جہان مرتگ زندگیاں جونے

ساه گشیت بلے نہ انت زندگ
 کسے پش کپتگ پہ انان کور انت
 شاعر لبرانی ارزش ء را دنت پاہو
 چہ ستاہ ء نبشتہی بیگار
 جہدکار جہد ء گنٹ کنگ لوٹیت
 چے گش ءے؟
 ند گلگ چہ کجام ٹک ء کنت
 مارشتاں زندگ دار کہ پد مان انت
 وهد بلکیں ترا پہ تو چاریت
 بیگواہی ء نام نہ بیتیں بلی
 سردر اکن وت ء بہ موک ڈیھ ء
 بل گواہ ء پہ وازی ء ' ملا

دردانگ

تبدسوچیں لواراں آزگ گُت
گلگرک بہاریں یاتانی
اے رندی بکندے چوڑ بہ جنت
تا کر تیچ گباراں اندیم انت
چہ ترا من بہشتے ساڑا تگ
انجیر اناریں دردانگ
ارسانی کٹور ء میچل کن
رنگانی تہپیں ملگوراں
کورانی تباہیں بالاد ء
سبزانت پترو نکیں سورا پگ
گوناپیں زہیراں پرینگ
الہان کپوتیں دیوانگ
زبر انت تلشتیں امبا زگ
سہڑیں چگردیں بالاد ء



دروگیس اهدانی

چگردیں پترء

تچک داتک زندگیء

مرگء بوپیں گندلء

سنگ بادینک وپاء گونگء

نیستء نابودیں هداء دامنء

اوستء چاکاں

چنت پیڑء مان دنت

چنت رندء رگر بندیت

پاکء پلگاریں زمینء سینگء

چیولیت ہیکارگاں

ارشء ہدا

تلوسیں ہورانی درپشوکیں بدن

آس ء ' آپ انت

لہو جوشین انت
 وپاء مہشرء
 کلہڈان انت
 جنتء سارتیں هوا
 گلہاں چہال گواپین انت
 ہداء جہندی
 پرشتگانی دروگیں مکرء ہیلہاں
 سنگ سیاہ انت
 مومنین مردانی دل



بے اُرسیں نا هُدا ءِ نپس جتہ جتہ
 نئے زور نئے ترارا وں جتہ جتہ
 کشکے پدانی پد جنگ ءِ پد نہ منت
 نیست اَت بلوچ ءِ کس جتہ جتہ
 درداں پد داروئے نہ دَوایے دعا بکن
 مرگ ءِ نشون ءِ زند ءِ دس جتہ جتہ
 اوپار سُچکیناں چکن دوج کتہ وت ءِ
 پاھاریں آھے تہ ہس ہس جتہ جتہ
 پاتول پُر پکیں دل ءِ داگانی سپر اَنت
 سہتیں ہیال ءِ گنگیں کبس جتہ جتہ
 وھد ءِ هُدایاں تاگتے بکشاتگ دیدگاں
 بے دزسیں دل ءِ دل ءِ دزرس جتہ جتہ
 پرتو بابہ دنت زمانگ وت ءِ حنیف
 زوت کن گمانے رس جتہ جتہ

بے تاهیری

زاناں کئی زہیر ء دوزہ ء ہر شپ
 بن انت ارواہ ء کبرستان
 گلگ داریں نگاہاں ارس
 چوبشامی دردء گوار انت
 زمین جمب انت دل ء میتگ
 سر ء چیر انت مدام گول وت
 جبیں ء سچنیں درد ے
 کہ ترومب ایت روج ء شپ انچش
 دے آرامی ء نیل ایت
 زباں اول مان گیشینگ
 جہان ء بے سریں دوداں
 ہمینچک مارا تک ما ہم
 شگ ہائیک چے بے تاگتیں گنٹ ء
 کجام دمک ء دراں ہائل
 چہ کئے ہالاں بہ پرساں تی



لگوراں منگلک دستاں کماٹک
 شگاناں ڈڑ ریں دلبند ء سار اُنت
 هیا ء ' لُج ء سوداگر نزان اُنت
 سریگ اُنت سرڈگار ء مہر میں ماس
 زمین ماس ء ' گہارانی گہیں ارس
 وپا ء پوپلیں بچکندگانی
 زمین گلکریں چوڑاں شاہ کشیت
 گنہگاریں هدائی درد بکش ایت
 گل ء ' مردارداں زیمانی زمزیل
 زہیرگ بنت زہیں تیرانی آفتاب
 لگوش اُنت دژمن ء دست ء لکیراں
 وت ء اچ وت گنہگاراں پمیشکہ
 نگاہاں دژمنیں دست اول کمک اُنت



آهگِ اوستاں مہ گوندیں نوں جگ سَندءِ دل ے
چونیں چکاسے بناہ کُت کچٹکیں گزندءِ دل ے

کینگے رُتگ آبریں کشک زمزیلاں گویت
هشک بنت گمبانی ارواہ کہریں آپ بندءِ دل ے

گیدی ے دَمکاں نہ کرزیں لیلواں هاکوت بیت
پرپکیں لُغانی وازگیت شبرہ انت هندءِ دل ے

مہکس ہائیک دُروہ انت کلمریں تاہاپی ے
چکویے گوش ے بناہ کُت کچٹکاں رندءِ دل ے

کول کنت پندول ے سِتکاں گوہریں موردانگاں
شپ وت ے بام ے نہ جُزیت مرگ چت سَندءِ دل ے

زاہران سنجیں نگاہاں ارس هولمب انت حنیف
نیلگیں رکانی آپ رند کُت کنت پندءِ دل ے

ايريهت

اولاس اِتگ دردال
 ماں آزمانء کدو بستگ
 هدا گنديم اوگاريت
 پلک ايت زهريں ايشرکاں
 دل ء ايرمارگء په وت
 کجا شوهاز به کنت ايوندء ايراپگ
 نه سرگواتے شديت نگلاں
 نه اير گواتاں سلاتين بزمش
 وتي بالينگء هاوند
 هزار بني آدميں جوناں
 گُلايش انت په ايوارگ

پہ یک باکاریں باریگےء مہتل
 مناں تاں کرن اوستیگ آں
 وتی پہ باہڑیں بچاں
 زمین ہکارگاں جکسیت
 وتےء جُمبیں تگیں لہڑانی توسے
 کلازوک انت دلانی شہرگاں بزمشے
 تماہ ہُشکےء ' ہداہانی
 کیا تاں پون بنت کنگو

انجیر ساوڑیں پُل

شانتل گُوگواں نل بست ے
 الہان لئیکواں گواپین ے
 ہزام تراول انت رگانی
 گریواسکیں سرور اُرزانی
 احوال سر زہیں باماں بیا
 سدنجیں ہیال سچکان انت
 شپک ماہکان بالاد ے
 زیر ساز بنت تہنائیں
 گچاں اُردگاں بالاد ے
 گلباگ ے گچینیں ساچشت
 گوہر کہربا دانچک نیں

شہم اَنت روہیں لال ءِ رکت
 مہنائیں سرِیگ ءِ لاسک
 تندیں ترانگاں پڑینگ
 زپتیں واہگاں پیوگاہ ءِ
 سَٹ اَنت دُربیانیں ہمسر
 مال اَنت آمڑ ءِ مُزداکاں
 شاتکامی کن اَنت موتکیں دل
 شاتکامیں سرِیگ میچل بات
 ارسانی ذرداں آسکیں
 کیچ کور ءِ نہنگیں بالاد
 بُر کنگٹیں گُٹنگ ءِ
 کانچ ءِ پُشتگیں اُردگ بات
 ماہیں ہائل ءِ جِگ بند ءِ
 سیاہ مارے دجات تیر سُمبیں
 آسے بنگرات بالاد ءِ
 سالونکیں تی نامزدتک ءِ
 دستاں ہر دوئیں مُزے بات

گیمرت اَنت گُمان مہنائیں
 نادوک اَنت زبان ءِ ہلوت
 انسرت اَنت سگاریں دیدگ
 ہونانی میار ءِ سگر
 دیوالاں دل ءِ سرکش انت
 پتو بد دُعا دروگین اَنت
 سَمو سبزگاں سبزات ءِ
 آسکی دروشماں خزد دات ءِ
 آہوگ کوچک ءِ زیدانی
 سر شاہاں چرے گیزانی
 آجو بوتگ ءِ میڑانی
 ہنکین ءِ گڑالیں مچ ءِ
 انجیر ساوڑ اَنت سہر پلین
 کزاماں یات کنت آیاتیں
 الکاپی ترا نازیناں
 درد ءِ مہرگے سازیناں
 گُٹ ءِ براہ بے کلماںیں

اھوت جیڑگاں الماسیں
 وابانی کرار گواندوچ اُنت
 سہتے سہڑگاں زر گوات ے
 ایر گوات ے مہ نند نودانی
 دروتاں شانک دنت مسکانی
 میسین ایت منی دلبد ے
 کرپاسیں زہیر ارسانی
 مہکان ے نوان ے نشتاں
 آیاتاں ترا تویپ گت



روچےء روچکیں زبان بوتکیں
تلوسگ مہرےء گناہ سوتکیں

ملکوت ریدگیں شگنائی
رہسری دازے بُنء سوتکیں

شیپ گرگ شیپکیںھیالانی
پکے ترانگاں شکر دوتکیں

گورمء بڑگء گماں کتیں
کانی بے تنکیں سراں شوتکیں

گلمی ہوشگے چو برگء ات
چاڑے ات بیماریء روتکیں

راہگوزی بے سریں دیارانی
گامےء کنزگی وپا پوتکیں



بالانی کپودر نکشیں
 اھوالاں بدے دل کشیں
 باگین زامران گوں میراں
 جنگ ء جیڑھاں کت ویران
 اھوالاں بدے شیرانی
 ورنا ء کسان پیرانی
 ناگ ء سرمچاریں یچی
 دیپان ات مدام تیرانی
 توسپ تئی دڑامب ء جنگ ء
 ولجہ کبر ء چو رنگ ء
 مات ء ہاترا پہ ڈیھ ء
 ساڑی ات مدام پہ جنگ ء
 گڑو ء پوجیاں ناگ یگاں
 پتو زامران نوں تنگ ات

جنگ دات سنگ ءُ سر پہ قوم ءُ
 کربان کت وت ءُ پہ ننگ ءُ
 بانکوه ءُ کھیر یاداں تئی
 ملک ءُ مردم ءُ سیاداں تئی
 بر ز کدیں سگار ءُ شاتل
 نالیت انگت ءُ یاداں تئی
 کو گور، موچ ءُ داں هنگ ءُ
 وائر بوتگاں چہ رنگ ءُ
 لئے ترا بہ لگات گدار
 چماں کو رہ کنت تئی ستار
 ہالے ہر کجا چاگاں بوت
 ملک ءُ میٹگاں شاگاں بوت
 یچی جنت ءُ باگاں بوت

گوانک

کچتکیں دیوال ءِ ہشت نزارتگاں
 راہے پرتو تچ کتگ
 پیسری کرگین ودار جاہ منیگ ءِ تنی
 سنگار اِتگ
 رُہتگ اَنت پیشگاہ ءِ ڈل
 نوکیں روتا پے من پرتو جوان کتگ
 دیر مکن
 دور ءِ دراٹد بھاں مہ نند
 سا ہداریں زندگی دیناں مہ روت
 زنگ داتگ ایوکی ءِ سانکلاں



بونک بستگ میتگ ء
 گوش ء پونز انت دمک ء در
 سانگ بندیت مہکان
 روج استالانی براہاں زندگ ء درگورکنت
 گہت پلگچیں دلانی چمگاں
 گنڑ ہے آپ نہ گواہیت دیدگانی کوڑی ء
 ماہ ء سالانی ودار ء آہتاں
 لیکوئے سہڑینگ ء زہگے ہدیت
 سہب ساربان ء مہار ء لانی انت

بانکوهِ گم

گیک ء ، گورکن زندگی ء
 هُرت بہ چار
 چاریں آتراپاں وت ء
 وحد زہوار انت بکند ئے باج بارت
 زندگیں جوانی اُرزشت ذرہ مدان ء زینت انت
 مُرتکیناں سر ماں آزمان ء جگ
 گند منی راج ء سروک ء رہبراں
 ملکوت ء مُزندیں بیہار ء چہ ڈیھ ء درگت انت
 یتلگ انت سہرچمیں لجانی میار
 تو من ء انگت ماں اُردانی پُتینکاں پٹ اتگ

ماوت ۽ ڏيهه ۽ همک ترشتين تلاراني گماناں سارا ٿيگ
 دل من ۽ باگين زمين ۽ ڏوک ڏوک ۽ بار دنت
 يات ترا تين باتن ۽ چک انت مدام
 گير کائنت کرک ۽ کرپاسين چگرد هديره ۽
 شند بند ايت ديدگاں بانکو ه ۽ گم
 واپ ۽ هسکارگ ۽ انت ناگ ۽ پلين مچدگ
 زهروى ۽ آپ ۽ زهرونکے من ۽ آشنا گنگ



چونیں ارزشتے زمانگ ہشکچیں نانء جنگ
ما وتی گرسء وتء پرزومگء جانء جنگ

گرانیں اگبالے هیالاں آژناہ گوں تو نہ بیت
لہز پاہو داتگ انتء جند ارزانء جنگ

اھد بتگ توکلیں وھدء مرید کولے بہ کنت
چاکرء سازینء مکران کچتکلیں وانء جنگ

پکے پشت کنز مہ بوتیں باجو ات ہشکاوگاں
اشترء ہائیک دروہ انت درد ساربانء جنگ

آدرہ انت ہر روج منی دیدیں کنر لٹ شاپیء
مرک بند ایت شپ چراگاں سر پہ سرزانء جنگ

روچگیں روچے تاں بیگاہ لہز پیشکانزاں حنیف
آزگیں ٹپاں وتارا کنکلیں الہانء جنگ



نود پللیں گواڑگاں آسے بلیت
 شب چراگاں کونڑ بندیت آگہیں
 بیادلے پرتو چکن دوچیں زہیراں ترک جنت
 نلش کنت پرتو سریگے لاسکاں
 جاگ ء اوست ء گورا کن دیگر ء
 پرتو گٹ یگے کما تک نگرہیں
 ٹچک ء کرکینکاں بہ نزار کبہیں
 کہ رچنت پلکیں زمین ء دامن ء
 بہر ء بانگیں جمرانی پٹ بٹاکے آس دنت
 مے سگار ء سیوگیں بالاد ء مسیت پدا
 بیا بہ چن نزار تروپوکیں گیدی ء
 ودار ء پرشتگیں ندارگانی منگلک
 وت ء بہ جزم کہ آپ باں تی لٹکانی چلہ ء
 چو شمس ء کید ء دروشم ء

تئی زیب ناکیس دیدگانی براہ باں چو سُرگ ء
 چو ہنئی ء تئی دست ء پاداں شہم باں
 رجاں وت ء تئی لَنکائی بوگ بوگیں ہلوتاں
 چو آثر ء تئی زیب ناکیس جلوہاں شمار باں
 کرگزیں لَنغانی مُزواکاں سرا توکاں تئی
 بہ چن من ء کہ رتنگاں
 تئی پیشگاہ ء کاپری
 سدگہاں تئی پادمالیں حاجتاں
 ہیاں ء لہڑیں سجدگانی سراپ
 زمین ء درد کشیں مچدگ
 شموشگاں شمشٹ بے
 کسرمہ کپ کہ شپ من ء
 درامداں شمار کنت
 تئی واہگانی واپی آں
 بکند من ء
 دل ء مہ بر کہ پاس پاس انت زندگی
 غمان کنت شدیت ترا

ہیاں کنت ءُ سبہ ایت
 سپر تاں بام ءُ شچریں
 تئی مہرانی براہ من ءُ سارگاں زبہر کنت
 اے شپ نلکیں نوبتاں توامی ءُ توام بیت
 تہاری ءُ مئے دست کشتیں نوبتاں گوجان کنت
 سہا ءُ سارتیں کافی ءُ
 دلے وت ءُ چو گنڑہ ءُ بہ کنت ءُ تو وت ءُ
 چہ دور اٹلکیں مساپراں بہ یتنگ من ءُ
 تئی آپ وارنگیں گلاس ءُ رنگ!
 پدامن ءُ پہل بکن
 مئے نیت ءُ ہزینت وت ءُ



تئی یاتانی سچکانیں زہیر اُنت
 شپے پاساں منء چاڑے گوپان اُنت
 دلء چو سچنء ترومبیت مدامی
 نہ بوجیت شپ وتی دردانی تندء
 کجا تو شہمگائے بامء ہمباس
 منء سودگ کتگ کُنئیں ہیالاں
 ہمک لبز مہرگء ہارء کما تگ
 منی تہنائیء پاساں بہ گالا
 دلء تئی جیگء ہیرانی سما انت
 کلہمر درہنگ دردء گلپیاں
 ہیالانی زرء جُہلائکیاں ترپ
 مساپر میتگء دمکاں ابجک انت
 من کرنے پہ تئی مہراں رزا دات
 وتء شوہازگء اوستاں بہ پھریز

منء پدمتگیں وهدء مه دوبر
كه كیشیں ساهتانی مهتلین آں
هدائے داشگیں مردم گشیں اهد
پہ شانے ملکوتء چاگلء کنت
پدء پشت کچگیں هلوت گناه انت
تراتی بے بنیں زندء لپاش انت
منی بے باوریں مہرانی هانی
شپے یک پاسء جمار هیالاں



ڪسے دامنءِ مشڪ لوڻيت
ملڪموت مردے کُشڪ لوڻيت

چہ وتءِ بدگمانیءِ ترس ایت
جنترءِ زندگءِ درشڪ لوڻيت

پیریءِ واڱے دل ءِ نیون
لڙتاں رکےءِ چشڪ لوڻيت

سر بندایت چیولیت هر شپ
وابءِ زندگی جِشڪ لوڻيت

جهد ءِ واهندءِ گلے زرتک
بدلیں چہ وتءِ پرشڪ لوڻيت

روح مرادانی نڪ دنت باندا
دڙمنیں سڱتے سدگ لوڻيت



چُشمِ مے سنئیں گمان ء آگہ انت
 آجوی ء نگرہیں بام ء گدار
 شگرب ء درپش ایت کہ باریں مگرب ء
 چم سلطانیں سریگاں گگ دنت
 روہیں آستونک ء مارے چنڑاتگ
 کنگے ء چک بخت تبدیں ہیال
 کچج ہامین انت کپاتاں پون بیت
 دشت ء پلکاں ہلوتیں جا کے جنگ
 ننگیں ہینار پروشتگ گوادر ء
 پسک اتگ گورکوپ ء بیٹاں آزگیں
 جوی ء زرین ء دلبد ء تیا بے چول جنت
 کولواہ ء دوچگریں اهداں شدگ
 بالکتر بوراں چراگ جاھے نہ کت
 گیمريت اوستانی چنچکور ء بدن

گچک کرپاسیں زہیراں تراولینت
 شوکت ء سہرائیں ارواہ ء تلب
 تاک تاک انت مشکے ء دمک ء دراں
 آہ کشیت گریشگ ء پنسیں گنر
 جہاؤ ء نال اتگ کپوتیں ترانگاں
 مندی آں پرچہ نہ پول ات آکبت
 دیستگیں وایاں بشارت واجہ ء
 زامران آگاہ انت بام ء گکہاں
 شکوریت کوشے پروم ء ملپداں
 داں کدین اے بے سریں کشک ء حنیف
 کونزبادین ایت زمانگ تاں کجا
 گلہے آیات کنت بام ء زہاں
 شاعر ء لبزاں کراماتے بہ بیت
 چاکرے مکرانی سازین سردر انت

چاھی کیوت

بانزلاں نکشیں بند منی حالاں
 یک پہ یک در ء ' دانگیں گالاں
 یا بہ نند گوں من انپی حال کن
 باندا سہب مہلائی چداں بال کن
 سر بہ گوز ہمپشت ء ' نگور دیم ء
 دیر مبو مہتل سرکیزہ چاھی
 کپتگاں شر ماں ترانگاں آئی
 کندگ ء ' کوهاں زوت بکن سرشم
 یک شپے گوازیں ماں سورگ ء بے گم
 کوکو ء ' الہانی مکن ہمدم
 ایدگہ روج ء چہ سورگ ء بال کن

مان مہ تر ناگ ء کوچک ء سیل کن
 آپ ء ماں گوک پرش ء برومئیل کن
 دیر مکن چاہی کہ کانیاں دراجیں
 انشی پتو سر بوہگ باج انت
 تربت ء نشنگ مہریں کاڑے
 آ منی جندے گولک ء لاڑ انت
 بے من ء زاناں سک ء بے چاڑ انت
 اے شپ ء گوازیں بام ء سرٹل ء
 پاد بیا سہب ء گوں دل ءے ہلن ء
 سر بچن باگ ءے سرجمیں پلاں
 منی مادر ء آریپاں سلام سرکن
 رندا دیم ء گوں دلبر ء گور کن
 یک پہ یک سرکن مئے دل ءے ہالاں
 بگوش

بے ترا روج ء ماہ گش ءے سال انت
 زوت پدا وائر کن کپوت چاہی
 ہرڈکیں دیدو کاں پتو راہی

واترگ

من وداريگاں ھا نوبتاں بيا اُنت روچے
 مکھیں ڈیھ ۽ چھاریں گُزداں
 رژن آجوتی ۽ تالان بہ بیت
 ڈیھ ۽ ہر پنج چہ گل ۽ شات بہ بیت
 من پہ شانے پدا ووتر کنان ۽ کایاں
 پہ گلے تو من ۽ امباز کن ۽ گریوے
 من ترا مہر ۽ تسلاہ دیاں
 توگوں دستاں کہ منی لانک ۽ کتار ۽ بوج ۽
 مہر ۽ پیشگاہ ۽ پدا پترے تالان کن ۽
 تاسے آپ کارے گوں کوپے چاہ ۽

وهء زوراكيس هيال ارس شل اُنت
 دل هما وهداں دو كپء بيتیں
 تئى كه پيشانىء اسپتیں پٹاں چم اوں كپ اُنت
 يك برے بزن پدا دات اوں تسلاه وتء
 كم مكن هائل تئى اگبالاں لكتمال كتگ
 ول گوج انت مرچى لگور چه تئى ڈيهء رپتگ

سلہیں دستونک

روہیں درد نہ ترومب اُنت روج رہانیں دل ے
شپ رواج گپتیں زہیراں تراں دنت نہ مہر میں

کہر با رنگیں لکڑکاں جان پیڑا تگ دل ے
مہر یں بچکند ودار ے بند ے بوگاں ترکل اُنت

ترزکیں ترمپاں وپا ے آزمان میچل کتگ
بدگمانیں کوکرانی مہرگی توک اُنت گور ے

سد سلام اوتیں کلات ے مہکم اُنت
بڈن بے سدکیں لگور ے پشت کپتگ اُچ وت ے

شہرگیں درداں شبندان شرتگاں آدراہ کتگ
ساوڑیں نوداں بہار میچیں زہیر آشاہ بنت

پکے باور بکن سہرائیں وابانی شلی
در بہ بر دہر ء در ء دیواریں کشکاں گوہریں

تچ مہ لرز ایت سرگیں بولان تلاہاں شپگیں
تہد ہامین انت کپاتاں کچج سودائی مہ بیت

رہگوزاں رنگراہ ء کشک سرشانی گول اتاں
پیرکی ہنکین گناہ ء وابے ء بے ترانگ انت

ریدگیں بیگاہ ء باماں کوکواں الہان کنت
دل کپوتی نالگانی گلہاں پادموش بیت

بے میاریں بانزلانی چے میار ء چے گناہ
سنگ ء پارنگیں کباہاں چنت دنتان ء زدء

ما حنیف وازمندگیں وھد ء ھدا ہجہ نیارت
دیر سریں کورچاتے ء نوں زندگی واینگ انت



تو مہ جیڑ
من دل ء نہ کنناں
گلہیں وھدے
روح آسربنت
کئے وتی کولانی سرااوشتیت
کئے پہ درملکاں ڈرک بندان ء
کئے
تلارانی
ساہگاں نندیت



چونہا حنیف کوہ دی می مردے، بلے آھلک ء کہ حنیف وتی چم پیچ کت انت آؤ دے ڈراھیں مردم لو
 ات ءویم پہ شہراں شت انت۔ حنیف ہم مرچی شہر ء انت۔ بلے آچہ وتی ھنکین ء سست کنگ ء نہ
 انت، زہروئی چنگ ء بانگوھی دیم انگت آئی ء رگانی تھا سپر کنگ ء انت۔ ھے سپراں آئی ء شگل ء
 شہدیں زر ء جھگانی ہزاراں اجل جاھیں ندرگانی تھا دور داتگ۔ اے تر گلیں آیات ھے ندرگانی
 سنیل انت کہ حنیف ء کر ونگ ء چوشمے دیم ء داتگ انت۔ شاماشانی تھا چے گند ات ء چے سر پد بے
 وتی بور تاچی ء یکن ات کہ حنیف شمس مہرانی ودار یک انت۔
 ءوگہ یک گے اش انت کہ پہ سنیل ء اے ندرگانی گرنج ء مردم گلہانی امارے سر پد بیت بلے راستی ء
 چوش نہ انت بکندے اے یک راستی ء آمیدے۔ حنیف ء جھد اش انت کہ اے شگل ء شہدیں زر ء میٹر
 ء تھا ھمک ندرگ ء دیم ء یک آمیدے چو کر ونگ ء ایر کنگ بہ بیت۔ چی ء کہ حنیف پدا وتی
 کوھد یماں واتر بوھگ لوٹیت، بلے ھے سپر دانکہ وت ء منز لے ء نام ء مدنت حنیف ء لہز آئی ء وتی
 ھنکین ء واتر بوگ ء نیل انت۔

یاسر جی - ایم



علم و ادب پبلشرز

دکان نمبر 311، 3rd فلور دی بک مال اردو بازار کراچی۔

0335-2620640, 0331-2952483 ilmoadabpublisher

ilmoadabpublisher@gmail.com